


लईका मन बर बाईबिल
प्रस्तुत करत हवे।

किसान अउ
बीज



लिखे गए हवे। : Edward Hughes

उत्साह बढ़ाए गए हवे। : M. Maillot; Lazarus

चयन करे गए हवे। : E. Frischbutter; Sarah S.

अनुवाद करे गए हवे। : मधुलिका महतो

Alastair Paterson

बनाए गए हवे। : Bible for Children
www.M1914.org

©2020 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



एक दिन ईशु हा झील के तीर म
परबचन देत रहिस अब्बड़ अकन
मइनसे मन ओला सुनए बर
उहां जुरे रहिन।

भीर हा बाढ़त गिस। अब
ईशु हा काए
करतिस?




लकठाच म एकठी डोंगी ल देखक, ईशु हा डोंगी
म चढ़ गिस। अब ईशु हा मइनसे मन ला देखे
सकत रहिस अउ तेन मन ओला देखए
अउ सुनए सकत रहिन।



ईशु हा दिरिसटान्त ला बताए बर सुरु करिस—
अबगा साधारन जीनिस मन के बारे म किस्सा
बताइस, जेन मइनसे मन ला भगवान
केबारे म सिखात रहिस ।



“एकठी किसान हा अपन खेत म बिज ला
बिछिस।” ईशु के इ किससा हा चितरा के बदला
बचन रूप म तसबीर कस रहिस।



मइनसे मन किसनहा के बुता करे के तसबीर के
कलपना करे सकत रहिन— तेमन ऐला कतेक घा
देख दारे रहिन ।





कुछु बिछाए बीज हा डहर के
तीर मा गिरिस । ओहा । चिरई

हा उढियात झट के तरी

उतरिस अउ ओला चुग लिन ।



कुछु बीज हा पथरा वाला भुइयाँ म गिरीस ।
जेनहा झटएच के पातर नानकन पउधा बन
गिस । लेकिन सुरुज के घाम हा ओला
झट के सुखा दिस काबर कि
ओखर जरीमन बढिया
माटी मा नई रहिस ।




अलगा बीजा मन काँटा के बीच म
जामिन । उमन घलाव फलोइया नई
होइन । काँटा मन उ नानकन पौउधा ल चारों
अंगत ले चिमक दारिस अउ
ओमन ला जतेक चाहि रहिस
ओतकी घाम अउ बरसा
ले अलगा राखिन ।




अब जतकी बाँचे बीज हा बने भुईयां म गिरिस ।
दिन हा बितत गिस अउ मरहा दाना हा एक ठन
स्वास्थ पउधा बन गिस । किसनहा अड़बड़
खुस होइस होही ।




किस्सा के सिराय म चेला मन ईशु करा आईन। ओमन पुछिन,
“तेहर दिरिसटान्त म काबर सिखात हावस?”



ईशु हा कहिस जेन मइनसे मन भगवान ले सित्तो म मया करथे
ओला सित्तो म इ दिरिसटान्त भगवान के बारे म अड़बड़ बुझे बर
मदद करथे ।



लेकिन जे भगवान ला मया नई करए उमन दिरिसटान्त ला नई
बुझेक सकए ।



ईशु हा दिरिसटान्त ला समझाइस ।
ओहर कहिस कि बीज हा भगवान के बचन हावे ।




मेंड़ म गिरए बीज ओखर कस हावय
जेन हा सुनए रहत घलाव भगवान कर बचन
ला समझ नई सकए ।

भगवान हा जौन
कुछु बताइस हे

ओला
राक़स हा
भुलवार
देथे ।



कुछ मइनसे झट के भगवान के बचन ला गरहन करथे । जे पथरा वाला भुईयाँ म गिरे बीज कस हावय । लेकिन जइसनेच कोन्हो उंखर हँसी उडाए या भगवान ले मया करए बर परिसानी ओखर बर पइदा करथे, तब इसने एकठन दुखद गोठ घटथे ।



इमन ओही है। जे सुरु म आनंद ले ईशु के अनुसरन करथे
लेकिन ओहा अब भगवान के बचन ला पालन करए ला छोड़
देथे। ओहा भगवान के अनुसरन के दाम चुकाए बर नई
चाहे। कतेक दुख के गोठ हावय कि ओहा भगवान ला
खुस करए के बलदा अपन संगवारी मन ला खुस करथे।



दिरिसटान्त म कांटा
के मतलब सनसारिक
संसो अउ पईसा के
लोभ कस हे जे कुछु
मइनसे के जीवन लर
बांध के राखे है ।



जो अपन जीवन म
अबबड़ पइसा अउ
दुसर जीनीस ला पाए
बर अतकी बियस्त हो
जाथे कि भगवान ला
अपन जीवन ले
अलगा कर लेथे ।



लेकिन निता भुइयां म गिरे बीज जे अब्बड़ अकन फरलाइन
जे भगवान के बचन कस हे। जउन करेजा म घुसके मइनसे
मन के जीवन ला बदलथे। इ मइनसे मन भगवान के आदर
अउ सेवा करथे।



भीर हा ऊँहा ले जाए बर नई चाहि रहिस। अब्बड़ इन भगवान
के अनुसरन करए अउ ओला खुस करए चाहत रहिन। ईशु के
दिरिसटान्त हा ओमन ला भगवान ला समझे अउ ओखर आग्या
के पालन म मदद करिस।



किसान अउ बीज

इ कथा हर भगवान के बचन के द्वारा एक ठी बाईबिल

पाए जाथे ।

मत्ती 13

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

